

Ezekiel 29:1<sup>WTT</sup> בַּשָּׁנָה הַעֲשִׂירִית בְּעֶשְׂרֵי בְּשָׁנִים עָשָׂר לַחֲדָשׁ הָיָה דְבַר־יְהוָה

אֵלַי לֵאמֹר: <sup>2</sup> בֶּן־אָדָם שִׁים פָּנֶיךָ עַל־פְּרֹעָה מֶלֶךְ מִצְרַיִם וְהִנְבֵּא עָלָיו וְעַל־מִצְרַיִם

כֹּלָה: <sup>3</sup> דַּבֵּר וְאָמַרְתָּ כֹּה־אָמַר | אֲדַנִּי יְהוָה הִנְנִי עָלֶיךָ פְּרֹעָה מֶלֶךְ־מִצְרַיִם הַתַּנִּים

הַגְּדֹל הַרְבֵּץ בְּתוֹךְ יֶאֱרִיו אֲשֶׁר אָמַר לִי יְאֹרִי וְאֲנִי עָשִׂיתָנִי: <sup>4</sup> וְנָתַתִּי (חַחִים)

[חַחִים] בְּלַחֲיֶיךָ וְהִדְבַקְתִּי דָגְת־יֶאֱרִיךָ בְּקִשְׁשֶׁתֶיךָ וְהִעֲלִיתִיךָ מִתּוֹךְ יֶאֱרִיךָ וְאֵת

כָּל־דָּגַת יֶאֱרִיךָ בְּקִשְׁשֶׁתֶיךָ תִּדְבֹק: <sup>5</sup> וְנִטְשֶׁתֶיךָ הַמִּדְבָּרָה אוֹתָךְ וְאֵת כָּל־דָּגַת

יֶאֱרִיךָ עַל־פְּנֵי הַשָּׂדֶה תִּפֹּל לֹא תִאָּסַף וְלֹא תִקָּבֵץ לְחַיַּת הָאָרֶץ וְלַעֹף הַשָּׁמַיִם

נִתְּתֶיךָ לְאֹכְלָה: <sup>6</sup> וַיֵּדְעוּ כָּל־יֹשְׁבֵי מִצְרַיִם כִּי אֲנִי יְהוָה יַעַן הָיוּתֶם מְשַׁעֲנֵת קִנְיָה

לְבַיִת יִשְׂרָאֵל: <sup>7</sup> בְּתַפְשָׁם בְּךָ (בַּכְּפָךְ) [בַּכְּף] תִּרְוֹץ וּבְקַעַת לָהֶם כָּל־כְּתָף

וּבְהִשָּׁעָנָם עָלֶיךָ תִשָּׁבֵר וְהִעֲמַדְתָּ לָהֶם כָּל־מִתְנַנִּים: <sup>8</sup> לָכֵן כֹּה אָמַר אֲדַנִּי יְהוָה

הִנְנִי מֵבִיא עָלֶיךָ חֶרֶב וְהִכְרַתִּי מִמֶּךָ אָדָם וּבְהִמָּה: <sup>9</sup> וְהָיְתָה אֶרֶץ־מִצְרַיִם לְשִׁמְמָה

וְחִרְבָּה וַיֵּדְעוּ כִּי־אֲנִי יְהוָה יַעַן אָמַר יֶאֱרִי לִי וְאֲנִי עָשִׂיתִי: <sup>10</sup> לָכֵן הִנְנִי אֹלֶיךָ וְאֶל־

יֶאֱרִיךָ וְנָתַתִּי אֶת־אֶרֶץ מִצְרַיִם לְחִרְבוֹת חֶרֶב שְׁמָמָה מִמְּגִדָּל סוּנָה וְעַד־גְּבוּל

כּוּשׁ: <sup>11</sup> לֹא תַעֲבֹר־בָּהּ רֶגֶל אָדָם וְרֶגֶל בְּהֵמָה לֹא תַעֲבֹר־בָּהּ וְלֹא תִשָּׁב אֲרַבְעִים

שָׁנָה: <sup>12</sup> וְנָתַתִּי אֶת־אֶרֶץ מִצְרַיִם שְׁמֶמָה בְּתוֹךְ | אֲרָצוֹת נְשֻׁמוֹת וְעָרֶיהָ בְּתוֹךְ עָרִים

מִחֲרָבוֹת תִּהְיֶינָה שְׁמֶמָה אַרְבַּעַיִם שָׁנָה וְהִפְצַתִּי אֶת־מִצְרַיִם בְּגוֹיִם וְזָרִיתִים

בְּאֲרָצוֹת: פ <sup>13</sup> כִּי כֹה אָמַר אֲדֹנָי יְהוִה מֶלֶךְ אַרְבַּעַיִם שָׁנָה אֶקַּבֵּץ אֶת־מִצְרַיִם מִן־

הָעַמִּים אֲשֶׁר־נִפְצוּ שָׁמָּה: <sup>14</sup> וְשַׁבְּתִי אֶת־שָׁבוֹת מִצְרַיִם וְהִשְׁבַּתִּי אֹתָם אֶרֶץ פְּתוּחַ

עַל־אֶרֶץ מְכוֹרֶתָם וְהָיוּ שָׁם מִמְלָכָה שְׁפִלָּה: <sup>15</sup> מִן־הַמְּמַלְכוֹת תִּהְיֶה שְׁפִלָּה וְלֹא־

תִּתְנַשֵּׂא עוֹד עַל־הַגּוֹיִם וְהִמְעַטְתִּים לְבִלְתִּי רַדּוֹת בְּגוֹיִם: <sup>16</sup> וְלֹא יִהְיֶה־עוֹד לְבֵית

יִשְׂרָאֵל לְמִבְטָח מִזְכִּיר עוֹן בְּפָנוּתָם אַחֲרֵיהֶם וַיִּדְעוּ כִּי אֲנִי אֲדֹנָי יְהוִה: פ <sup>17</sup> וַיְהִי

בְּעֶשְׂרִים וְשִׁבְעֵי שָׁנָה בְּרֵאשִׁוֹן בְּאַחַד לַחֹדֶשׁ הָיָה דְבַר־יְהוָה אֵלַי לֵאמֹר: <sup>18</sup> בֶּן־אָדָם

נְבוּכַדְרֶאצַּר מֶלֶךְ־בָּבֶל הֶעֱבִיד אֶת־חֵילוֹ עַבְדָּה גְּדוּלָה אֶל־צֹר כָּל־רֹאשׁ מְקָרָח

וְכָל־כֶּתֶף מְרוּטָה וְשָׁכַר לֹא־הָיָה לוֹ וּלְחֵילוֹ מִצֹּר עַל־הָעַבְדָּה אֲשֶׁר־עָבַד עָלֶיהָ: ס

<sup>19</sup> לָכֵן כֹּה אָמַר אֲדֹנָי יְהוִה הַנְּגִי נָתַן לְנְבוּכַדְרֶאצַּר מֶלֶךְ־בָּבֶל אֶת־אֶרֶץ מִצְרַיִם

וְנִשְׂא הַמִּנָּה וְשָׁלַל שְׁלָלָה וּבְזָז בָּזָה וְהִיָּתָה שָׁכַר לְחֵילוֹ: <sup>20</sup> פָּעַלְתוּ אֲשֶׁר־עָבַד בָּהּ

נָתַתִּי לוֹ אֶת־אֶרֶץ מִצְרַיִם אֲשֶׁר עָשׂוּ לִי נְאֻם אֲדֹנָי יְהוִה: ס <sup>21</sup> בַּיּוֹם הַהוּא אֶצְמִיחַ

קֶרֶן לְבֵית יִשְׂרָאֵל וְלָךְ אֶתָּן פֶּתַח־חַוֹן פֶּה בְּתוֹכָם וַיִּדְעוּ כִּי־אֲנִי יְהוָה: פ